

Enformaziuns y Comunicaziuns

Festa dai aniversars: La domëgna ai 20 de setëmbër pla Gran Mëssa gnaràl tignì la Festa dai Aniversars - con renovaziun dal sacramont, por i pèrs co pò festejé 10, 15, 20, 25 etc. agn de matrimone. An s'encunta ales 9:45 dan dlìja. La Mëssa gnarà zelebrada da nosc ploian y abelida dal Cor Mosaic. Dedò è i iubilars con familiars enviës a en picio renfrëschi. I periun i pèrs da s'anunzié anter i 12 de setëmbër al 0474/501411 o 335/237473.

KVW Seniorencub: En dédemesaledema ai 9 de setëmbër vàn ales 14:00 con le bus cina ta Pederü, y da danlò fora ai Tamersc a pè, olache al aspeta na bona picia marëna.


Stödafüs: I Stödafüs d'Al Plan lascia alessëi che en dé dal'ater edema jaràl la sirena de net a Al Plan y La Pli, mo la jont ne dess nia se sté con festide, ajache al è mà na proa.

Scizeri: I Scizeri d'Al Plan organisëia ai 16 de setëmbër le referat "Ladinien 1915 - 1917 - Ladinier inmitten des Dolomitenkrieges", tignì dal storich Oswald Mederle da Porsenù, ales 21:00, te salf dles manifestaziuns d'Al Plan. Al gnarà te cösta ocasiun incé prejenté le monumont conzepì dal artist Hans Rindler de Berto. Entrada debann. Düc è bel enviës!

Biblioteca: La biblioteca "Angelo Trebo" adöm al Zënter Families Mareo organisëia na sëra da s'la cunté por ingeleje. Incé sce an sà püch le lingaz, èsun empò bel enviës. An s'encunta en jöbia ai 10 de setëmbër ales 20:00, te biblioteca d'Al Plan.

Salf protezioné La Spona: En domëgna ai 20 de setëmbër vëgnel tignì na festa por geniturs de porsones con bojügn particulars. Ales 12:00 Santa Mëssa sö Oies y ales 13:00 marëna a La Majun. Entrami i geniturs dles porsones è enviës. Enformaziuns y prenotaziuns cina ai 15 de setëmbër al numer 0474/843060 (danmisdé). La marëna vën sponsorisada da na porsona co n'ò nia gnì nominada.

Sorvisc ai Jogn: Le SaJ lascia alessëi che al è la poscibilité da ciagé les foto de düc i proieç da d'isté 2015, passenn t'ofize a Picolin, co è davert dal lönesc ala jöbia dales 8:00 ales 12:00 y dales 13:00 ales 17:00. Präibel se tó empara na tle usb (usb - stick).



Gejù à dit: „Chi co crëi te mè, vir incé sce ai mör!“
La comunité tol comié da **Lidia Flöss vëd. Agreiter** morta al'eté de 82 agn. Ai familiars i vâl les condolanzes plü sontides. Che Lidia pòi palsé tla pêsc de Dio!

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Comunicaziuns - cina al dédemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o incé www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006



福若瑟
VAL BADIA

23. Domëgna dal ann B - dai Agni Custodi, ai 06.09.15 - nr. 41

Effata! Daürete!

Dal Vagnele dò San Merch 7, 31 - 37

³²Enlò ân condüt en surtström da Gejù perienn, ch'al ti metess sö la man. ³³Al l'à tut da na pert, demez dala meja, ti à motü i dëic tles orëdles y à aziché la lënga dal ël con spöda; ³⁴spo àl ciaré sö al cì, à süsté y ti à dit al surtström: Effata!, chël ô di: Daürete! ³⁵Atira s'à söes orëdles dauri, söa lënga s'à deslié y al ea bun da baié endortöra. **Parora dal Signur.**
- Lalt a té, Gejù Crist!

La scora mët man!

A ennom dla Ploian y dal Consëi de Ploania i vâl les mius aodanzes a scolari, insegnanc y personal de scora por le mëterman dal ann de scora nò. Che al sii acompagné dla benedisciun de Dio y che al pòi porté de bogn früc. I orun mëterman cösc ann cola Santa Mëssa, tal ennom dal Signur, en **lönesc ai 7 de setëmbër ales 8 da doman.**

Oraziun de Papa Francësch por le mantegnimont dla Creaziun

Dio Onipotënt, che t'es prejënt te döt l'univers y tla plü picera de töes creatöres. Tö che t'enjopes ete con töes aices döt ci co esist, lascia rogore te nos la forza de To amur, por che i fistidiunse y sconunse dla vita y dla belëza.

Emplëscesse de pêsc, por che i viunse desco fredesc y sorus, zonna ti fà dann a degügn.

O Dio dai püri, dëidesse salvé i arbandonës y i desmoncës de cösta tera, co val tan trep dan da Tü edli.

Varësc nosta vita, por che i sconunse le monn y ne l'arobunse nia fora, por che i somenunse belëza y nia ajiamont y destruziun.

Atoca i cörs de chi co chir mà vantaji söles sciabes dai püri y dla tera.

Ensëgnesse da descori le valor de vigne cossa, da contemplé con morvëia,

da reconësce che i sun tal plü sot liës con dotes les creatöres, sön nosc tru tal vers de töa löm zonna fin.

Iolan che T'es con nos vigne dé.

Dásse sostën, prëitambel, te nosta batalia por la iustizia, l'amur y la pêsc. Amen



Domëgna: 06.09: XXIII. dal Ann Liturgich: Domëgna dai Agnui Custodi

8.30: S.M. a La Pli

9.30: Corona por la +nta Lidia Flöss Agreiter

10.00: S.M. por dōta la Ploania - Benedisciu dal tomp
2. Requiem por +nta Lidia Flöss Agreiter de Poldele

18.00: S.M. por vīs y +nc' de Clara Guido y Margareth

S.M. aniv. por +nt Franz Trebo dal Pēsta

S.M. por 2 +ntes y S.M. ad intenziun

S.M. por +ntes Giuliana, Maria y Iudita

S.M. por vīs y +nc' dla Fam.Predaroli

Lön. 07.09: **Feria dla 23 edema dal ann: al met man l'Ann de Scora**

N.B.:

8.00: S.M.en onù dal Spirit Sant y Agnui Custodi

S.M. por +nc' Ellecosta Rudi, Regina y Maria

S.M. por +nt Hans Werth

S.M. por +nt Josef Pescoller, Joblère

Dédol. 08.09: **Nadè de Santa Maria: S.Hadrian, S.Alan, S.Sergio**

7.30: S.M. a La Pli

18.00: ete dal Ciüch: Corona en onù de Santa Maria

Dédem.09.09 **Feria dla 23. edema: S.Pire Claver, S.Otmar, S.Orthold**

18.00: S.M. por +nt Tone Pitscheider

S.M. 1.aniv. por +nt Erwin Demetz

S.M. 1.aniv. por +nt Marco Goidanich

S.M. por +nt Hans Erlacher de Corcela

Jöbia 10.09: **Feria dla 23. edema: S.Theodard, Sa.Pulcheria**

19.30: S.M. a La Pli

Vëndr.11.09.: **Feria dla 23. edema: S.Felize, S.Ludwig, Sa.Regula**

N.B.:

7.10: S.M. por i scolari

S.M. por +nc' Iaco y Valeria

S.M. por Fam.Trebo Franz y Lisele, Cone da Val

S.M. por +nc' Agatha y Vinzenz Trebo

15.00: Ora de adoraziun y oraziun

Sab. 12.09.: **Inom de Santa Maria (Maria Namen): S.Guido**

17.00: Poscibilitè da se pissiè

18.00: S.M. por +nt Dalla Santa Raimondo

3. Requiem por +nta Lidia Flöss Agreiter de Poldele

S.M. por +nc' de Marta Erlacher, Corcela

S.M. por +nc' Pescoller y Marchi, Hintner

Domëgna 13.09: XXIV. Dom. dal ann: Segra d'Al Plan

8.30: S.M. a La Pli

9.00: Proa dal Cor de Dlijia

10.00: S.M. pro popolo por dōta la Ploania: S.M. solenne
Benedisciu dal tomp

14.30: Funziun dal Bato: Linda Kastlunger

N.B.: degüna Mëssa la domëgna sera

Domënia dai Angeli Custodi

La Bibia descrii con de beles pilores, "Desco en agno dëida na porsona te dificoltés, la protejèia y ti daür i edl por le tru, co la porta ala vita".

Anselm Grün, co á gran suzes con sü libri sora i angeli, la ponsa ensciö: "Bonamonter édl en dejider do orientamont, do comportamont y do creatöres, co s'acompagnèia y sön chères ch'i podun se tralascé." Angeli vëgn nominés ca. 100 iadi tal Vedl Testament y tal Nö Testament baldi 150 iadi.

Ai é messajiers dal Signur y porta noeles. Angeli aparësc gonot tal som ales porsones, dá consëis y ordins, dij danfora nasciüdes.

Ensciö sta i angeli t'en stront raport con Chëlbeldio y vëgn dant tal Vedl y tal Nö Testament desco mediadus ennanter Dio y la jont.

I angeli se ralegrèia dla salvèza dla jont (Lc. 15,10) y dëida chi co dess arjunje la meta eterna (Mt. 18,10).

Canche önn, co á timur de Dio, mör, l'acompagnèia i angeli tal post dla gloria (Lc. 16,22) y fej da verda pa söa fossa (Jan, 20,12). En agno á liberé Petrus y i apostui dla prijonìa. Agnui acompagnà i apostui sön sü iadi.

Gejú dij, che düc i mituns y i debli, á en agno custode straordinar pal Signur: "Sü agnui vëiga entres le müs dal Pere dal Cí". Vigne porsona, spezialmonter la plö debli, arjunj la sfera santa pa Chëlbeldio.

Dit con les parores de Romano Guardini: "Dio nes mëna sü agnui, por sconé y tigní sot a proteziun, ci co é sant tla porsona".

Chël co ti á crèta a so agno custode, ne pordará-no te bogn no te slec tomps-le plö sant te so cör.

Con l' Agno Custode pa nos ne po meseria o prighi nia desdrüje nosta dignité.

pr



La comunité d'Al Plan ti aoda
döt le bun, sanité y benedisciu ai geniturs
Paul Kastlunger y Daniela Egger
por le Bato de picia **LINDA**.

Sorvisc dai Ministrón

Lönesc 07/09 (08:00h), Dédemesaledema 09/09 (18:00h), Vëndres 11/09 (07:20h): Caroline Piazza, Lara Ploner;

Sabeda 12/09 (18:00h): Alice Daverda, Giada Regis, Matteo Sottrovich, Jan Ties, Max y Moritz Trebo;

Domëgna 13/09 (10:00h): Lucia, Vanessa y Max Obwegs, Sebastian Mutschlechner, Melanie, Martina y Jasmin Ties, Luca y Esther Comptoi, Gabriel Trebo;

